

- 452 -

Na osnovu člana 15. i 25. Statuta općine Zavidovići („Službeni glasnik općine Zavidovići“, broj: 5/08 i 5 a/08) Općinsko vijeće Zavidovići, na 11.sjednici, održanoj 09.06.2009.godine, donijelo je

O D L U K U

o proglašavanju Poslovne – Poduzetničke zone „Ekonomija – Batvice“

Član 1.

Općinsko vijeće Zavidovići proglašava Poslovno – Poduzetničku zonu „Ekonomija – Batvice“ (u daljem tekstu: Poslovna zona).

Član 2.

Poslovna zona je u granicama obuhvata područja Regulacionog plana „Ekonomija – Batvice“, izuzev obuhvata područja rezervisanog za izgradnju gradskog groblja.

Član 3.

Sastavni dio ove odluke je Program uređenja građevinskog zemljišta dijela Regulacionog plana „Ekonomija – Batvice“ („Službeni glasnik općine Zavidovići“, broj 3/06) i glavni projekat za infrastrukturno uređenje za dio područje iz Regulacionog plana „Ekonomija – Batvice“, urađen od Društva za projektovanje i inženjering „STILPROJEKAT“ d.o.o. Zavidovići, pod šifrom PZ-B/09.

Član 4.

Na osnovu ove odluke kao i dokumenta iz člana 3. ove odluke Općina Zavidovići će finansirati vlastitim sredstvima izgradnju infrastrukture u skladu sa svojim finansijskim mogućnostima kao i sredstvima iz drugih izvora.

Član 5.

Općinsko vijeće Zavidovići ovlašćuje Općinskog načelnika da u Budžetu općine planira sredstva za realizaciju izgradnje infrastrukture predviđene aktima iz člana 3. ove odluke.

Član 6.

Ova odluka stupa na snagu prvog narednog dana od dana objavljivanja u „Službenom glasniku općine Zavidovići“.

OPĆINA ZAVIDOVIĆI
-OPĆINSKO VIJEĆE-

Broj: 01-05-2373/09
Datum: 09.06.2009.godine

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

(M.P.)